

Jussieu (Bern. de)
De naturali secretione
bilis in jecore. 1719.

MED Foll.

807

4420

3-9a

MED Foll. 807



L'auteur de cette Dissertation est
le célèbre M^r Filler. elle est com-
mise dans la collection de ses œuvres
in 4^o. mais a raison de la Dedi-
cace a M^r Chivaz, et des vers
qui sont a la fin, adressés a
M^r Bernard de Jussieu, il est bon
d'avoir cette Dissertation a part.

4-10-12

W. 54

DISSERTATIO MEDICA

4-1

DE NATURALI SECRETIONE
BILIS IN JECORE.

*Cujus Propositionum veritatem , ad
primam Appollinarem Lauream con-
sequendam , in augustissimo Mons-
peliensi Appollinis Fano , propugna-
bit BERNARDUS DE JUSSIEU
Lugdunæus , Artium Liberalium
Magister , Medicina Candidatus ,
ac Universitatis Consiliarius.*

P R Æ S I D E

R. D. D. ANTONIO MAGNOL
Regis Consiliario & Medico ,
nec-non in almâ Monspeliensium
Medicorum Academiâ Professore
Regio dignissimo , die Maii
an. 1719.



Gobetz

MONSPELII,
Apud Viduam HONORATI PEE
Regis & Universitatis Typ. 1719.



ILLUSTRISSIMO D. D.

PETRO CHIRAC

ERENIS. AUREL. PRINCIPIS

GALLIARUM RECTORIS

CONSILIAR. ET ARCHIATRO

PERSPICACISSIMO,

EXPERTISSIMO,

FELICISSIMO.

ALMÆ MEDIC. MONSP. FACULT.

PROFESSORI EMERITO.

REGM PLANTARUM MEDICINAL
HORTI PARISIENSIS PRÆFECTO.
REGIÆ UTRIUSQUE MONSPÉL.
PARISIENS. SCIENT. ACAD. SOCIO.
ET STUDIOSSIMO PRÆFECTO MEDIC.
OBSERVATIONIBUS FULTÆ
ASSERTORI.

Primas studiorum suorum curas,
æternum observantiæ specimen,

D. V. Conf.

BERNARDUS DE JUSSIEU
Lugdunæus.



DE NATURALI SECRETIONE
BILIS IN JECORE.

DISSERTATIO
MEDICA.



DEFINITIONES

I. **S**ECRETIO animalis est
portionis massæ sanguinæ,
iisdem ac sanguis qualita-
tibus non gaudentis, è vasis
sanguiferis in alia vasa derivatio.

I I. Vasa hæc , *Secretoria* di-
cuntur.

A

L E M M A T A.

I.

*Textus Fecoris universus vasculosus
existit.*

NOTABILE viscus illud præparatione , quam excarnationem vocant , vasorum infinitis ramusculis textum esse , jucundo sanè spectaculo demonstravit dudum plurimò nomine laudandus *Glissonius*. Sed cùm Anatomici sagaciores hanc operâ extrema vasculorum teneriora abradi , hepatisque substantiam hinc penitus destrui , ut ipsius structura incognita semper maneret , adverterent ; quid substantiam hanc teneriorem constitueret , diligentius indagare conati sunt. Resque eò devenit, ut viscerum acerrimus perscrutator *Malpighius* hepatis substantiam acinis glandulosis extremis sanguiferorum appensis , è quibus

ductus enascerentur secretorii, tùm lymphatici tùm biliares, conflata afferuerit. In quam quidem sententiam per plures annos Medici abierunt, & adhuc dùm abeunt quam plures iique clarissimi. Interim tamen accuratus professor *Ruischius* corpusculorum horumce, quæ pro glandulis Malpighianis in hepate venditari solent compositionem ulterius expiscans, injectionum ad intimos quidem recessus penetrantium ope, ea præter vasculorum tenuissimorum fasciculatim congestorum aggeries nihil aliud existere manifestè deprehensus est, ut ostendit in suis thesauris anatomicis. Quapropter nihil naturaliter occurrere in hepatis substantiâ, quod vasculis textum demonstrari non possit concludere licet.

*In animali sano sanguis , nullâ factâ
morâ , per vasa minima
progređitur.*

CUM enim sanguis tñm cordis ,
tñm arteriarum systole conti-
nuò urgeatur , adeò ut alterâ remit-
tente vigeat altera absque intermis-
sione , sequitur sanguinem , ut fter hu-
mana machina , & in vasis majoribus
& etiam in minimis huic impulsui
continuò obsequentem futurum ; si-
que sanguis non interrupto cursu in
arteriolas extremas pulsus in venu-
las ipsis continuas absque intermis-
sione non migraret , moram autem
alicubi in vasis hisce minimis trahe-
ret , is tandem congereretur , ut
evidens est , citòque cessaret ipsius
periodus. Interim sanguis per vasa
minima progreditur lentius , quam
per majora , *vid. dissert. de Homin.*
Liene Sano , attamen non interrupto
cursu progreditur.

III.

*Liquor è sanguinis undis devians
per vasa secretoria per-
petim fluit.*

QUO tempore cordis systole vi-
ctâ arteriarum constrictione
sanguis in ipsas inflandas pellitur,
eodem & aperiuntur oscula vasorum
secretoriorum arterioliis continuo-
rum, eodemque temporis puncto,
accedente de novo liquore dilatan-
tur pro modulo secretorii tubuli,
quare quo tempore vî cordis san-
guis per vasa minima progreditur,
eodem & quoque per vasa secreto-
ria è sanguinis undis devians pro-
pellitur liquor; tùm verò deinceps,
quo tempore cruor vasorum sangui-
ferorum constrictione ad cor urge-
tur, nî liquor secretus eodem &
quoque per vasa propria progrede-
retur, moram autem aliquam tra-
heret, canalemque turgidum ser-

varet , subsequente postea arteriæ dilatatione , liquor de novo impulsus systole cordis , vel in canalem turgidum deviare minimè posset , cessaretque secretio , vel ipsum ulteriùs distenderet, & hinc produceretur tandem necessariò morbosa congestio ; nulla tunc enim esset potior ratio , quin imò esset levior, cur canalis ab eâ se liberaret adauctâ , qui ab incipiente leviori liberare se non potuisset turgescentiâ. Ratum ergò sit liquores è sanguinis undis in vasa secretoria diffuentes , lentiori quàmvis sanguinis periodo cursu , eo tamen perenni nec uspiàm interrupto per ea in statu sano procedere.



PROPOSITIO I.

*Præcipuum ac singulare, quod in
Fecore perficitur, opus, bi-
lis est secretio.*

JECUR olim operi nobilissimo destinatum, Anatomicorum recentium laudabili sagacitate jam lustratum, secretioni nunc totum incumbit. Ipsius substantiam sanguis subit duplex, arteriosus, venosus; prior ab arteriâ hepaticâ, posterior à venâ portâ arteriæ dignitatem quasi induente, & quidem copiosus subministratur. Nec deficit ipsi liquidum per nervos è plexu hepatico emanantes continuo supeditatum. Ex istius autem visceris vastâ mole remeat sanguis per venæ cavæ radices in cavam ipsam; sed & ab ipsâ lymphæ cristallinæ aureique liquoris rivulos scaturire

observabis ; hîc ergò secretio duplex , lymphæ , bilis. Lymphæ autem è viscere hoc proventus , ut ut uber , non secùs ac in cæteris corporis partibus perficitur , illeque liquor ab extremis arteriis jecorariis promanans per ductus geniculatos in chyli vias , ut lymphæ reliqua abdominalis confluit ; nihil hîc operis peculiaris , quod alibi & in visceribus vicinis haud edatur. Hoc ergò singulare solùm præcipuumque sibi vendicat jecur , quòd per innumeros furculos in porum biliarium tandem universos coeuntes è suo sinu liquorem effundat sibi soli proprium elaborando chylo absolutè requisitum , qui quidem bilis nomine apud omnes venit.

Verùm cùm in cystide felleâ bilis æquè deprehendatur ac in ductibus biliosis jecorariis , bilem ab arteriis cysticis in vesiculam scaturire , ut indè per ductum cysticum,
porum

porum hepaticum , ipsiusque ramulos in cavæ venæ radices traducere-
tur, quin emanatio bilis ab hepate
ulla foret , suspicandi ansa fortassè
præberetur , imprimis si *Backij* ,
*Silvii*que sententiæ astipularemur ;
at eam merum commentum esse
demonstratur. 1°. Quòd ex solâ
exiguitatis arteriolarum cysticarum
consideratione, ipsarum sanguinem
adeò paucum bilis , quæ observa-
tur , molem suppeditaturum verisi-
mile non sit. 2°. Quòd inter bilem
cysticam ac hepaticam notabile in-
ter sit discrimen , illa colore satura-
tiori , majori consistentiâ , acriori-
que amaritie gaudet , hæc autem
magis decolor , mitius amaricans ,
minori lentore prædita & aquosior
deprehenditur ; quin & referente
Bohnio dulcedinem potiùs quamdam
sacchari saturni saporì æmulam præ-
se ferre non rarò visa fuit. 3°. Quòd
in Viperâ & Anate ductus hepaticus

& cysticus per idem osculum in intestinum abeant ; quin imò in pennatis quam pluribus, ut in Aquilâ , Pavone , Gallinâ ac interdum etiam in Anate, ductus uterque separatim notabilique interjecto spatio Intestino inseratur. 4°. Quòd in Equo , Mulo , Cervo , Damâ , Glire , Columbâ, Vitulo marino, Delphino . ductus hepatici bile non destituti sint , cùm tamen vesica felleâ careant animalia hæc. 5°. Quòd ex *Malpighii* experimento à nobis olim celebrato , ligato videlicet cystico ductu , quin imò extirpato planè folliculo fellis , eandem nihilominus bilis copiam in subiecto vivo per hepaticum porum profluere , certum sit. 6°. Quòd ligatus porus hepaticus ligaturam inter & hepar , non autem cystidem inter & ligaturam tumescat. 7°. Quòd in duodenum effluens bilis manifestè nonnunquàm deprehen-

datur. Et quem , quæso , in finem ductus choledochus in intestinum hiaret , si bilis ex *Backii* sententiâ ad refluxum in sanguinem venæ cavæ destinata fuisset. Mitto tandem ingeniosissimi *Bellini* varia ratiocinia , quibus quidem consideratis vasorum biliarium posituris , amictuque musculofo è *Glissonii* capsulâ tantum ramis , trunco neutiquam suppeditato, motum bilis ab hepate per ramos ad truncum biliarium indeque in intestinum nervosè demonstrat.

Jam verò, utrùm fel , quod in cystide collectum semper observatur , è poro hepatico per ipsummet ductum cysticum , ipsius-ve pori hepatici ramis per ductus hepatico-cysticos duplicis generis à *Clarissimo Biancho* perspicuè descriptos, profluxerit , an verò ejus quidpiam à vesiculæ ipsius substantiâ per secretionem emanarit, per adducen-

das rationes determinare , instituti nostri non est; modum, quo secretio bilis in hepate perficiatur, hic tantum inquirimus. Allata autem rationum momenta hoc in loco collocata sunt , nè quis fortè *Backii*, *Sylvii*que sententiæ patrociniâs , bilis secretionem in hepate negaret, nostramque secretionis ipsius indaginem supervacaneam proindè judicaret. Quamobrem ratum sit bilem ab hepate emanare, eamque ad Intestinum procedere. Ea autem nisi à liquoribus in hoc viscus illatis diffluere potest , non autem profectò à liquido nerveo , ergò à sanguine; sed emanatio hæc *Secretio* dicitur , ex def. 1^a. quare patet veritas propositionis.

SCHOLIUM.

Quidam Jecoris vastæ moli attendentes , viscus hoc percolandæ bili ,

bili, utpotè, inquiunt, tam pauco liquori destinatum præprimis fuisse persuadere sibi non possunt, quapropter usus alios attulerunt. Ità Cl. *Bianchi* vastum hoc viscus velut sanguinis diverticulum constituit; tùm suspiciones nonnullæ circa ipsius usum in quorundam animos incescere. Sed cùm sanguine liquoribusve singula vasa in statu naturali pro modulo repleta sint, ullam corporis partem in natis præ aliâ suscipiendo aliarum liquori præcisè destinatam esse compertum non est. Nec tamen negandum, quòd in motibus quibusdam imprimis violentis, sanguinis massæ portio è partibus quibusdam pro tempore exclusa, in reliquarum vasis hinc ulteriùs dilatandis, exuperans suscipiatur; at illud accidentale est, & quam plurimis corporis partibus commune existit; nec indè, sanguinem diverti, pro membri aut

visceris alicujus peculiari usu statui potest. Quod verò alia circa usus alios huic visceri adscribendos cogitata spectat, ea quousque experimentis directè confirmata fuerint hîc relinquere æquum est. Bilem in Jecore, ut opere peculiari, discerni pro certo habemus. Eam quantitate adeò exiguâ, ut persuasum sibi habere videtur cl. *Bianchi*, non separari infrâ erimus demonstraturi; cur ea tamen jecoris moli respondere haud videatur, rem aliter contingere non potuisse in Prop. 5^a demonstrabitur.

PROPOSITIO II.

Bilis è sanguine venæ portæ secedit.

BILEM è sanguine arteriæ hepatis non emanare, statim innuere videtur comparatio exiguæ ip

sius diametricum pori Biliarii diametro, adeò ut tam paucum sanguinem arteriosum secretioni duplici lymphæ quidem copiosæ, ac bilis sufficere posse verisimile non sit. Quipè notandum sanguinem venæ portæ etsi abundantem, lymphâ tamen in plurimis abdominalis visceribus depauperatum, eandem in hepate & quidem quantitate notabili, prout observatur, dimittere neutiquàm posse; cum è contrà arteriæ hepaticæ sanguis licet minùs abundans, intereà arteriosi sanguinis qualitatibus imbutus, hoc est ferro, & quidem è viscosis globulis rubris extricato luxurians, huic effusioni lymphæ prorsùs aptus sit. Quamobrem vel sola hæc consideratio de lymphæ à sanguine arterioso hepatis, bilis autem à sanguine venæ portæ secretionem commovere nos posset. Nam insuper è sanguine portæ liquidi alicujus se-

cretionem, venæ hujus, in hepate arteriæ indolem sibi vindicantis, structura indicare videtur, cum è trunco dispersa in furculos universam jecoris substantiam penetrat. Verùm dubium omne solvunt injectiones, quibus quidem biliarios ductus cum portæ extremis propaginibus tantum, cum arteriolis autem hepaticis minimè communicare certum fit. Si enim ità docente cl. *Bergero*, liquor tenuis, coloratus, tepidus in venam portam injiciatur, is non tantum universam hepatis substantiam, extremosque portæ ramos fasciculatim dispositos, glandulas Malpighianas, in Sue præ primis, ut notat *Ruischius*, mentientes penetrabit; verùm etiam continuatâ injectione major liquoris pars venam cavam, reliqua ductus hepatis biliarios subibit; quin etiam pars quædam liquoris folliculi fellei substantia pe-

netratâ , faciem ipsius irrorabit internam ; contrâ si in arteriam hepaticam liquorem immiseris , ea non observabis. Certa igitur ductuum biliariorum cum portæ ramusculis communicatio , cum arterioliis autem neutiquàm. Accedit ex *Bohni* ligatâ arteria hepatis nihilominus bilis ventû æquè uberem observari. Ergo à venæ portæ cruore bilis separatur.

PROPOSITIO III.

Quòd pori Jecoris secretorii determinatâ gaudeant configuratione ac magnitudine , particule autem bilis in sanguine fluentes figurâ & mole , poris hisce , præcisè respondentibus præditæ sint , propterea bilis in Jecore non secernitur.

ET 1°. quidem , quòd falsò supposita sit ad determinatas se-

cretiones explicandas, in visceribus diversis pororum ratione figuræ diversitas. Namquæ ductuum quorumlibet secretoriorum ostiola (præter enim hæc nulli dantur alii pori secretorii) circularia existere, non solum omnium vasorum observabilem per transversum sectio, circularis semper, nobis significat; verum & ex liquidorum per canales distensiles fluentium legibus remplanè ità se habere demonstratur. Cum enim fluidum ductus secretorios subiens obstaculum, quàmvis superabile, aliquod tamen reperiatur (vis enim certa pulsiva requiritur, ut subire possit) hinc ipsius fluxus per axim canalis liberè non peragitur; quapropter plures fluidi particulas, utpotè sejunctas, quaquaversum ab axe per radios diffluere necessum est; at quoniam vires per axim impellentes eadem semper sunt, idem quoquæ obstaculum exis-

erit, æqualis proindè particularum fluidi diffluxus per radios futurus erit; hoc est æquale erit momentum in particulis fluidi à determinatione fluxûs per axim canalis declinantibus, quo quidem per radios quaquaversum, æqualia descripturæ erunt spatia; sed eò quòd canalibus parietes cedunt, & undiquè distensiles sunt, ipsorum singula puncta in ostio ductûs secretorii à principio ejus axis per radios æquales dimovebuntur; porrò unica est curva, circularis nempe linea, cujus omnia puncta à puncto communi æquè distent, igitur secretorii ductûs ostium vi ingredientis impulsu fluidi circulare semper efficietur, ac servabitur.

2°. Quòd hepatis vasculorum sanguineorum ac biliarium adeò mirabilis textus & apparatus à divinâ sapientiâ frustra satis fuisset conditus. Cur enim ita flexa & in fasci-

culos disposita portæ furculorum extrema? Cur à principio implicati adeò ac flexi ductus biliosi? Cur ab arteriolis spermaticis enata fila subcineritia protracta adeò & glomerata? Verbo, cur adeò variæ in variis colatoriis vasorum posituræ, diversi adeò textus? Si secretio animalis ex conformatione pororum, ut in cribris se res habet, perageretur, mero cribro absque tanto apparatu in hepate, reliquisque organis secretoriis, negotium hoc absolutum esset.

3°. Quòd biliares tubulos ingressuræ partes è massâ sanguineâ supeditatæ fluidum constituent, adeoque ostio quâcumque figura donato accommodare se se possint. Inutilis ergò determinata in ostiis figura. Verùm particulas ductuum biliarium ostiola subituras in sanguine innatantes, singulas separatim sub propriâ formâ solidâ, ostiola appropriata

propriata subire , ut deinceps secretæ simul fluidum constituent , suppones. Esto. At hinc 1°. impossibilis futura bilis productio demonstrabitur. 2°. Particularum determinatarum , ac poris figurâ & magnitudine respondentium vix possibilis in eos ingressus. 3°. In eisdem poros possibilis aliarum figuris magnitudinibusque diversis præditarum introitus.

Et 1°. Quidem in hac hypothesi, quâ non nisi determinatas sanguinis particulas poros determinatos in dato colatorio ingredi admittitur; quoniam bilis non ejusdem indolis constat partibus solidis , cum in eâ fluitent aqueæ , salinæ , terreæ , sulphureæ , aliæve , sequitur ipsas utpotè diversimodè figuratas , per poros hepatis determinatâ conformatione præditos cunctas haud transiituras esse; quapropter vel tantummodò admittentur salinæ ; vel a-

D

quæ , aliæve , cæteris exclusis
hinc nulla ex ipsarum concursu bi-
lis productio.

2º, Bilis particulas solidas , pri-
maticas-triangulares fingamus , po-
ros autem hepatis, utpotè huic par-
ticularum bilis figuræ respondentem
triangulares ponamus ; patet ex
Geometricis talia solida poros istius
modi haud ingressura nisi ex pri-
matis extremitatibus alterutra poro
triangulari parallela objiciatur , quod
quidem casus in sex tantum posi-
tionibus obtingit ; patet etiam in
quâlibet aliâ datâ positione talia so-
lida poros tales subire non posse
quapropter cum particulæ bilis san-
guini innatantes poris secretoriis in
quocumque situ objiciantur , inde
finitos fore casus , quibus ab ingre-
ssu excludantur , finitos autem & so-
tantum , quibus suscipiantur , pe-
spicuum est. Quare facilitas ad ad-
missionem erit facilitati ad exclusi-

nem , ut numerus sex ad numerum indefinitum. Vix ergò possibilis erit particularum bilis in ostiola secretoria ingressus. Eadem demonstratio recurret bilis particulas supponendo alius figuræ cujuslibet determinatæ , porisque secretoriis præcisè respondentes. Unica est suppositio , in quâ particularum in quolibet situ fieret admissio , si nempe hæ globosæ , pori autem circulares supponerentur. In hoc enim solo casu globus, ob cunctorum circulo- rum magnorum æqualitatem, in quâvis positione porum circulem subibit , modò illius axis hujusce diametrum haud superaverit. Sed & in hoc casu cuncti globi minores & minores , adhuc faciliùs ingressuri essent , sicque non expetitorum dumtaxat, sed aliorum etiam fieret secretio. At suppositio hæc diversitatem conformationis pororum in colatoriis diversis 1°. non admitte-

24 *De naturali Secretione*

ret, adeòque humorum diversitatem secundum hypotheseos principia non explicaret, 2°. eâdem duntaxat & unicâ figurâ præditas particulas solidas secretas admitteret, quibus quidem non constant humores nostri.

3°. Tandem in eâdem hypothesi, dico insuper non tantum prismaticas-triangulares bilis particulas, sed etiam alias poros hepatis triangulares ingressuras esse. Particulæ enim quælibet, quarum diameter maxima pori hepatici triangulo inscripti circuli diametro paulisper minor erit, quâvis figurâ donentur, in quâvis positione profectò porum subibunt hepatis triangularem. Prætereà particulæ quoque aliæ poro hepatis triangulari æquè præcisè applicari poterunt, ipsumque eodem ritu subibunt ac prismaticæ triangulares bilis, ut v. g. particulæ tetrahedræ regulares, pyramidales-

pyramidales-triangulares magis aut minus oblongæ , ut & conicæ , quarum per axim sectiones triangularia sint æqualia triangulis extremorum particularum bilis prismaticarum.

Sufficiant autem hæc , ut evidenter simus persuasi 1°. poros sive ostiola non dari in organis secretoriis diversimodè figurata , sed ea cuncta circularia existere. 2°. Conformationem pororum in colatoriis , partium sub forma solidâ secernendarum figuræ & moli respondentem , ipsarum secretioni haud favere ; quin imò ipsam aliarum particularum tum magnitudine , tum figurâ diversarum secretioni non officere. Quamobrè bilis in jecore, quòd hujusce visceris pori particulis bilis solidis, certâ figurâ ac determinatâ magnitudine præditis , conformatione respondeant , propterea non secernitur.

E

COROLLARIUM.

Humores per partes singulas solidas , quibus constant , non separantur ; sed per earum aggeries fluidum corpus constituentes.

PROPOSITIO IV.

Nullum datur in Fecore fermentum , siue hospitans & quasi implantatum , siue mobile & renovandum ; cujus energia sanguinis transeuntis particulae in ductibus secretoriis dimissibilis formam adipiscantur. Nullusque pariter in ostioliis horum ductuum adest Humor analogus quo nonnullae partes formam bilis & texturam in sanguine jam

suppositæ adeptæ, ratione miscibilitatis ad introitum præcisè, ratione verò immiscibilitatis reliquæ ad exclusionem determinantur.

R E M secretoriam citò sanè expediunt qui fermentum in colatorio præexistens, humoremve analogum jam illud imbuentem supponunt. Prioris enim fluidi operâ sanguinis particulas, prout requiritur, immutari quasi jubent, brevi què è sanguine eccè novum humorem ad debitos usus productum, ità expedita est doctrina de fermentis. Humoris autem analogi ministerio determinati humoris guttulæ in sanguine sub propriâ formâ fluitantes, in determinatis organis secretoriis amabili societate uniuntur, & sic è reliquarum consortio præcisè separantur. Qui hanc tuentur senten-

E ij

tiam exemplum speciosum afferunt chartæ bibulæ oleo imbutæ, aquam respuentis, oleum vero tantum admittentis.

Verum 1°. nullus dari potest liquor, sive fermentum sit sive humor tantum analogus, qui colatorium hepatis imbuat, ibi fixus remanens. Is enim vel idem est à principiis generationis per totum vitæ decursum inalterabilis inibi permanens, vel non; prius dici nequit, nam præterquam quod omnia mixta, præsertim in animalibus, alterationis summoperè capacia sunt; insuper non maiorem fermenti aut humoris analogi molem in adulto ac in embrione admittere absolum foret, cum in adulto longè major liquoris copia secernenda sit; ergo sive fermentum, sive humorem analogum assiduò è sanguine secernendum fore superest. Sed liquor, qui secernitur, per ductus

secretorios perpetim fluit ex Lem.
3°. Quapropter nec datur fermentum, nec humor analogus in organo hepatis secretorio, quod in eo fixum hospitetur.

Nequè majori fundamento fermentum peculiare, humoremve bili tantum fecernendæ analogum, quamquàm assiduò è sanguinis penu renovandum, ac per tubulos secretorios fluxurum in hepate admitteres. Fermentum siquidem, quod in ductibus secretoriis hepatis è sanguinis penu fluidum delibutum in bilem immutet, ne minimo indicio demonstrari potest; Quin potius degustatum viscus hoc subdulce nè minimum amaroris in suâ substantiâ exhibens, hujusce absentiam sat evidenter significat. Insuper undè procederet tale fermentum ad sui restorationem, nùm immediatè à sanguine? Sed per eadem ostiola biliaria & fermenti,

& biliosæ materiæ secretio for
explicanda. Quod quidem ,
aiunt in scholis , esset obscurum
per obscurius explicare. An au
tem diceres ipsammet materiem
bilis secretam , saltem quoad par
tem in fermentum converti ? A
quoniam quies , ut humor fracedi
nem contrahat , fermentique natu
ram induat absolutè requiritur, nul
la autem sit in ductibus secretoriis
bilis ex Lemm. 3°. patet liquoris bi
liosi particulas in ductibus secreto
riis hepaticis fermenti indolem
contrahere non posse. Cum *Lyster*
forsàn repones , universam bilem
jam secretam & in biliariis ducti
bus contentam succedenti materiei
è sanguine delibutæ fermentum es
se , cùjus vi scepticâ hæc in bilem
immutetur ; & quòd à generationis
primordiis bilis ductibus biliferis in
sit , hinc antecedens secreta fer
mentum est succedenti ; quamobrem

per totum vitæ curriculum fermenti biliaris restauratio explicabitur. Hæc gratis dicta admittamus. Sed ubi quæso, bilem vi illâ scepticâ, quâ fermentum æmuletur, observas? In folliculo quidem fellis, poro hepatico, ipsiusque ramis insignibus bili vim quamdam acrem necesse observabis (*Scepticam* hanc voca si lubet, fermentativam porrò non demonstrabis) in ramis autem hepaticis exiguis organi bilis secretorii fabricam ingredientibus nequiquam, ut jam jam notavimus, notaruntque *Borellus*, *Bohnius*, aliique. Verùm vis sceptica fellis in folliculo, poro hepatico ipsiusve ramis insignibus, tantum bilis secretioni, quantum urina in vesicâ arteriisve, lotii per tubulos renum secretioni facit. Utrùm sanguinis transeuntis particulæ in ductibus secretoriis hepaticis vi fermenti alicujus ibi præsentis immu-

tentur , non autem utrùm deinceps bilis in suis receptaculis alias qualitates contrahat , in propositione hâc inquirimus. Ulteriùs progredior , ac observatis fœcundo *Lysteri* observationem ab ipso relatam , bilem nimirùm in fœtûs folliculo felileo reperiri fermè insipidam , reorqueo. Quâ quidem bilem etiam in proprio conceptaculo à primordiis generationis vi scepticâ præditam non esse comprobatur. Quantum mitior in ductibus secretoriorum in fœtu existet ? Quapropter à generationis principiis bilis antecedens succedenti , quin etiam in propriis receptaculis fermentum non est. Urina in vesicâ fermentum non eget , ut acrimoniam contrahat cum eam in matula cautè absteru quoque concipiat , ità pariter bilis in cystide , porove hepatico retadata fermentum præexistens , amarior fiat , non requirit.

Humore

Humorem analogum in ductibus secretoriis hepatis præsentem , sed continuò fluentem jam expendere juvat. Si quis , ut fundamentum , admiserit , nullum vas nullumve humorem in humano corpore concedendum , cujus existentia aut sensibus aut experimentis mechanicis indubitatis demonstrata non fuerit (quod fundamentum æquum sanè videtur) is profectò humoris analogi ità non demonstrati existentiam non affirmabit ; Istumque humorem tantummodò fictum & comparatis filtrationibus inanimatis natales suos debere agnoscet. Præterea humor analogus bili vel alius est ac bilis vera , vel ipsamet bilis est. Si prius , ergò & illius & bilis continua & simultanea per eosdem canales secretio explicanda venit ; quod quidem compositum valdè est , imò in hâc hypothese repugnat , cùm hæc unicum tantùm humorem

F

34 *De naturali Secretione*
admittat in ductum secretorium. Sin
autem bilem in ductu secretorio
jam præcedentem succedenti hu-
morem dixeris analogum , cui qui-
dem antecedenti succedens è san-
guine bilis , exclusis ab ingressu hu-
moribus cæteris , præcisè societur ,
id gratis prolatum esse , contrarium
in operibus suis demonstrans natura
ipsamet indigitabit. Quippè quòd
idem terræ succus in pyri , vitis ,
mali armeniacæ , amygdalæ , bras-
sicæ , solani , cicutæ , napelli , an-
thoræ , aliarum-ve plantarum qua-
litatibus & diversis & pugnantis
præditarum canaliculos ex eodem
solo abeat. Nùm dicerēs succos ha-
rumce plantarum jam efformatos in
terrâ præextitisse , quos singularum
radicum tubuli proprio succo imbu-
ti præcisè tales vel tales exclusis
cæteris admitterent ? At dùm sti-
piti ex aliâ arbore excisus surculus
inseritur , profectò in stipite jam

non existeret efformatus succus in-
erendi furculi succo penitus simi-
is. Quis brassicæ rosæque succos
osdem existimabit, hujusce tamen
urculus brassicæ duro stipiti felici-
er insitus fuit.

Si tamen absque fundamento ef-
ormatorum succorum præexisten-
iam obstinatè propugnaveris, Ho-
næomeria Anaxagoræ tibi erit ad-
mittenda, indequè pariter sangui-
nem formaliter in chylo, chylum
ormaliter in pane, cruoremque
roindè ipsum sub propriâ formâ in
simentis existere fatendum erit.

Chylus in venis lacteis præsentē
chylo ad sui secretionem non indi-
et, longo enim tempore à pastu-
enæ lacteæ eo exhaustæ sunt; bilis
ariter, ut secernatur, quid bile in
olatorio præexistente opus habet?

Cùm in arterias mezentericas
era injicitur minio colorata, hæc
tique in intestini cavum per *Pechli-*

ni & *Peyeri* glandulas, veros arteriarum apices recto tramite productos & in intestina hiantes, partim transit, sed, quod notandum, exuto colore rubro, dùm reliqua in venas mezentericas rutilans abit. Est nè ab humore analogo ceræ non autem minio, cur cera non colorata per intestinales glandulas derivetur?

Nequè profectò, quæ in secretionibus observantur inter se comparatis phænomena, sanguinis fluida à fluidis similibus in colatoriis existentibus ad ingressum præcisè determinari cæteris dissimilibus exclusis, significant; quin potius contrarium directè commonstrant. Quippè quòd imminutâ insensibilis perspirationis excretionis, lotii ad augeri proventum, & vice versâ ut & imminutâ Diapnoe diarrhæ sæpè supervenire, item præsentis ptyalismo alvum siccam, hoc autem suppress

suppresso alvum humidam fieri, vel etiam urinas copiosè aliquandò cieri; Quin & abundantiori diuresi, lactis in mammis secretionem imminui, supprimique quotidie observetur. Et nonnè sudoribus copiosis ceteræ arescunt secretiones? Nonnè lotium in sanguine regurgitans viis urinariis obstructis per ipsum, nec ventriculi colatorium derivari contingit? Vis sane humoris analogi debilis, quæ in hisce, aliisque innumeris casibus humorem alium arcere non possit; vel inter humores diversos, ut urinam & succum ventriculi digestivum, inter eandem & lac analogia admittenda; frustaneusque fiet humor analogus singula organa secretoria imbuens.

Fuit hæc hyeme civis Monspessulanus, cui vesicæ colli vitio urina per dies aliquot suppressa est; sanguine largâ manu misso, tenuissimo

G

observato victu, ista tandem cathetere liberatur; reſecto citò appetitu, tribus à ſoluto morbo diebus ecce lautiùs epulatur; Quid contingit? Paucis elapſis horis à paſtu urina mittitur albida, opaca, diluta tamen, lacti aquoſo ſimillima, verbo chyloſa; urinæ poſteà ſuccedentes minùs albicantes ac dilutiores fue-
re, ac intrà horas aliquot ut anteà ſubruſæ factæ ſunt; diœtâ tenui iterùm obſervatâ nihil ſimilis ampliùs contigit. Si in hoc phænomeno antecedentia, conjuncta, & conſequentia perpendantur, urinas hoc in caſu chylo dealbatas fuiſſe deducetur, quatenùs chylus in ſanguine ſubitò abundans, & quidem conſiſtentiâ & albedine naturali præditus per patulos tun-
à prægreſſâ ingurgitatione, nec adhuc intrà tres dies ad amplitudinem ſolitam reſtitutos ductus urodochi partim tranſierit, ut indè urina qua-

lactea mitteretur. Profectò renes tunc lotio turgebant, convalescens enim & per sudores foetidos & per mictum copiosum liberabatur; Chylus autem urinæ analogus pro certo mihi non videtur (nisi humores cunctos analogos inter se dicere velis, tuncque nullius erit momenti humor determinatus colatorium imbuens) interim tamen urina in vasis urodochis contenta chyli consortium, & per eosdem tubulos secretionem minimè respuebat. Renes humore analogo non carebant, quin potius eo turgebant, sed canaliculi urinosi ampliati nimium erant.

Pariter dùm supprimitur lac in mammis, lochiorumve fluxus, urinas lacteas fieri, vel alvi fluxum ferro-lacteum succedere in praxi haud infrequens est.

Sed hujusmodi exempla ità frequentia animo obversantur, ut ipsis

G ij



enarrandis nimis protraheretur sermo ; allata autem sufficiant , ut naturam de humore in singulis colatoriiis præsente , qui ratione miscibilitatis præcisè certos è sanguine admittat , cæteros autem respiciat humores, minimè sollicitam esse, convicti sumus.

Jam verò bilem in sanguine formatam esse , unde habes ? Si bilis formaliter sanguini inesset , hoc est si liquor biliosus iisdem qualitatibus in hoc oceano , ac dum est in folliculo suo , gauderet , sanguis amarus certè degustaretur ; cum bilis tantillum notabili sanguinis, lactis , urinæve moli affusum hisce liquoribus amarorem insignem conciliet. Sanguis tamen , ex ipsa etiam portæ trunco eductus , nullatenus amarus deprehenditur , qui potius subdulcis est , ut quisque contra *Glabachium* & *Van Revenhorst* experiri facile potest. Ne

dum impedita est secretio bilis, ut in Ictero, eaque in sanguine regurgitans existimatur, ullatenus amarescit sanguis, amarescunt-ve serum sanguineum ac urina croceo colore quamvis tincta. Quare ex Ictero bilis forma in sanguine non deducatur, cum ipsius qualitates nec in sanguine, nec in humoribus ictericorum deprehendantur. Croceum enim illorum colorem quod spectat, is bilis praesentiam in ipsis nullatenus significat. Quod aurium cerumini, axillarumque sudori competat etiam is color; ut inde significetur produci in sanguine particulas à bile diversas, quæ croceo colore praeditæ sint. Quod ipsamet secreta bilis in ductuum secretoriorum principiis flava non sit, nec nisi deinceps in suis receptaculis colorem hunc contrahat. Sique in Ictericis bilis colorem suum exhiberet, cur neque saporem? Frustrà


coëteris aliorum humorum particulis involutas bilis guttulas affere. Hæ ad lumen modificandum involutæ non sunt; Ipsæ è cæterorum humorum consortio satis exsolutæ existunt, ut secretorios ductus subire valeant. Sed Bilis in hepatis substantiâ, ut ex degustato jeconpatet, amara non est. Cur ratione ad ejus amarorem in sanguine occultandum quæruntur, quo nondum potitur, quemque nisi deinceps in vasis suis majoribus acquirit.

Quem autem, quæso, in finem mirabilis adeò vasorum biliarium apparatus, si bilis in sanguine elaborata, forma suâ jam potiatur? Mera suffecisset transcolatio, naturæque supervacanei accusanda foret. Ut denique mittam concipi nequaquam posse, unâ eademque fermentatione sanguinis, tot generari posse succos unicuique propriis qualitatibus indutos, & ità sub formâ

universos, motûs sanguinis intestini
rim eludentes, hûc & illûc san-
guinis periodo abreptos. Illud me-
re arbitrarium necullo experimen-
to compertum est.

Num te moveret decantatum
vulgò experimentum quo ligatis
vasis emulgentibus, succedit vo-
mitus urinosus? Advertas statim
ex tali ligaturâ hunc semper non
succedere. Sed cùm supervenit,
non mirandum; ea enim inji-
ci non potest, quin & canis cru-
ciati lumborum contorsionibus, &
operantis manibus compressâ renis
substantiâ lotium in vasis urodochis
secretum propriamque formam
jam adeptum, in sanguinem vi hâc
compressivâ per ostiola secretoria
regurgitare cogatur; cujus quidem
quantitate etsi paucâ serum san-
guineum conspurcatum per colato-
ria quælibet indiscriminatim secer-
nitur; cumquè per ventriculi duc-

tus secretorios in ejus cavum emittitur, ipsum laceffit, hinc uberius feri conspurcati in ventriculi cavum eructatio, tandemquè vomitus feri lotium redolentis. Similiter dùm ex Ischuria sive verâ sive nothâ vomitus subsequitur urinosus, is non ex alio fonte, quàm ex lotio è vasis urodochis in sanguinem refluxo procedit. Idem pronuntia de ictero, in quo serum sanguinis amarum aliquandò deprehenditur; tunc bilis è biliariis truncis in sanguinem refluxit, eumque verè inquinavit; sed rarus ille casus, quòd & rarò hæreat causa icteri in insignibus ramis biliariis, in quibus tantùm bilis amarescit. Cur autem humores jam secreti nonnunquàm è vasis refluant, illud ad tractatum *de Obstructionibus* attinet.



PROPO

PROPOSITIO V.

*In sanguine venæ Portæ fluida ad-
sunt indigenæ, quæ, dum is in
venæ cavæ radices tendens je-
coris substantiam permeat, aper-
ta tubulorum secretoriorum ex-
tremis portæ ramusculis conti-
nuorum ostiola, eaque sat patu-
la, continuis pariter Cavæ ra-
dicibus minùs tamen ampla, ut
transire possunt, indiscrimina-
tim subeunt; quò deinceps à re-
liquarum & essentialium cruo-
ris partium societate motuque
intestino liberata, vasorumque
sanguineorum oscillatione vita-
li haud ampliùs concussa, bi-
liarium verò actioni exposita,*

H

*humorem à sanguine distinctum
constituant , determinatum ,
bilis nomine cognitum.*

EX alimentis unicum generari fluidum , ex hoc postmodum alium produci purpurâ nitens mirum sanè est ; at ex eodem fluido intrâ ductus sanguiferos delato fluida tot à cruore diversa , eaque qualitatibus variis prædita , quæ quidem in partibus determinatis ad usus singulares constanter adeò progignantur , emergere mirum adhuc magis videtur.

Attamen si sanguinem iisdem qualitatibus non donatum diversas alluere partes , si diversas corporis nostri partes diversâ quoque fabricâ gaudere adverterimus ; circa humorem diversitatem caligo discuti incipiet. Et profectò ab diverso sanguine diversum fluidum emer-

surum, & ab diversâ organi fabricâ fluidum varium admittendum, immutandumque diversimode fore fieri necessario cogemur, ut inde in diversis organis humorum diversitas oriatur.

Nequè enim quemquam œconomiâ animali vel leviter versatum futurum esse putarem, qui organa nostra variè fabrefacta, qui sanguinem hâc in parte crassiore in hâc tenuiorem, hîc citiùs, tardiùs hîc progredientem, verbo in partibus variis varium negaret. Cur ergò naturâ monstrante viam, ad fermenta humoresve analogos in explicandâ humorum diversitate, eorumque singulorum determinandâ indole recurreremus? Cur novas rerum supponeremus existentias? Cur organorum structuras, sanguinisque varias in partibus variis constitutiones non scrutaremur, cum istis cognitis singulorum humo-




48 *De naturali Secretione*
rum develata sit natura?

Sed nè à proposito argumento divagemur, restringenda dissertatio ad solam bilis secretionem, cujus quidem explicationem tantò lubentiùs aggredimur, quantò ipsam ad cæterorum humorum secretiones explicandas, quasi methodum singularem futuram nobis esse speramus.

Bilem è sanguine venæ portæ in jecore emanare Prop. 2. superiùs demonstratum, quare statim sanguis hic examine perpendendus; quò de fluidis, quæ à tali sanguine jecoris colatorio suppeditari valent, certiores fiamus. In limine autem observare juvat singulare illud nec in ullâ corporis parte aliâ observabile obtinere sanguinem venæ portæ, quòd venosus munereque suo functus, interim tamen arteriosi officium sibi arrogans, secretioni iterum inservire, antequàm cor petierit, teneatur.

Jàm



Jam animum ad sanguinis portæ
scaturigines & cursum advertamus.
Ipsum quidem deprehendimus è
cunctis fermè abdominis visceribus
exire, in quorum aliquibus 1^o.
erosâ seu lymphaticâ parte spolia-
tus summoperè fuit. In ventriculi
namquè textu quis nescit sangui-
nem depauperari fluido lymphatico,
quod partim in lymphæ-ductus de-
rivatur, partim per alios huic vis-
ceri peculiares tubulos in ventri-
uli cavum emittitur. Orbatur &
notabiliter sanguis in Pancreate suâ
lymphâ, quæ maximâ parte succi
pancreatici nomine in duodenum
confluit. In vesicæ biliaris textu
spoliatur aliquâ lymphâ. Per lon-
gum tractum Intestinorum & lym-
phâ, & copioso succo intestinali
impurificato. Per mezenterii exten-
sionem lymphâ copiosissima. Quâ
propter è nominatis visceribus re-
ceans copiosus sanguis, per riva-

los plures in Portæ truncum abiturus, parte fluxiliori ac tenuiori orbus, non nisi venosi sanguinis qualitatibus admodum præditus, hoc est crassus, torpidus, & ad secretionem inhabilis futurus erit. Et re verà sanguis è venâ portâ eductus crassus & sero destitutus satis observatur.

2°. Sanguis ab Epiplooo in portam rediit pinguedine oleosâ luxuriat. Postquam enim è sanguine arterioso epiploico, lymphæ etiam crassior per patulos derivata fuit tubulos pinguiferos, eaque per innumeras omenti cellulas membranas lento cursu devoluta fuit, quæ quidem partes aquæ plurimùm fuere dissipatæ, pinguioribus vero sibi invicem magis cohæserunt, unde liquoris oleosi crassi seu pinguedinis formam induerint; porro tremò liquor ille oleosus epiploicè cellulis hujusce visceris per du-

tus adiposos venulis convehitur epiploicis, sanguinique ipsarum commiscetur. Adeò ut ex omento in portam non vulgaris derivetur sanguis venosus, sed habitâ ratione omenti molis adiposæ ad molem sanguinis indè reducis, is quidem oleoso pingui succo plurimum refertus, & quasi adiposus.

3°. Deniquè sanguis per notabilem venam splenicam in portæ truncum delatus, indole singulari gaudet. Is enim in liene secretionem vix passus, lymphatico sero sanguinem arteriosum fermè æmulans superbit; sed insuper, quod ipsi proprium est, ejus particulis in eodem viscere insigni divisione illatâ, globulis rubris valdè solutis discerptisque summoperè partibus fibrosis refertus est. Ità ut qualitatibus his præditus sanguis è liene redux à venoso cæterarum partium plurimum discrepet, discrepet &

quoque ab arterioso per intimiorem in sero globulorum rubrorum exsolutionem. *Vid. diff. de hom. lien. san.*

Ergò per portam in hepatis substantiam deferitur sanguis triplex; Venosus crassus, sero egenus, è ventriculo, intestinis, pancreate, vesicæ biliaris tunicis, mezenterio rerius (hunc *abdominalem* speciatim appellabo) Venosus-adiposus ex omento oriundus, Venosus solutus valdè ac serosus è liene scaturiens. Primus copiosissimus ad fluendum per canales minimos inhabilis; Secundus mediocri quantitate existens liquorem unctuosum sinu suo gerens vix immutatum, tum & per tubulos exiguos parùm fluxilis; Tertius sat copiosus, valdè fluxilis, exsolvendis crassis viscidisque liquoribus plurimum aptus.

Quare ex triplicis sanguinis memorati misturâ, qualis sanguis por-

tæ futurus sit , perspicuum est. In eo enim ob abundantem sanguinem abdominalem crassum partes crassiores , hoc est globuli rubri sibimet per acervos cohærentes , & partes fibrosæ crassæ prædominabuntur ; partes autem adiposæ in eo fluitabunt à sanguine epiploico suppeditatæ , ob viarum brevitatem , nullamque adhuc notabilem factam in eis inflexionem ferè immutatæ , mediocri quidem copiâ , si reliquarum sociarum quantitati , ingenti autem , si similium particularum in sanguine aliorum organorum fluitantium quantitati respectus habeatur ; Denique sanguinis venæ portæ particulas transmeabunt fluxiles liennares , globuli rubri scilicet exiguæ molis sero intimè diluti. Jam ergò determinabuntur facilè partes fluidæ sanguinis portæ indigenæ , quæ in ostiola biliaria derivari poterunt , dùm reliquæ cruoris for-

54 *De naturali Secretione*
mâ indutæ in radices cavæ trans-
fluent.

Particulæ siquidem crassæ sanguinis abdominalis ab exsolutis diluentur particulis cruoris lienosi, ad faciliorem per portæ ramulos disponentur transitum, tum & ipsarum nonnullæ, lymphaticæ videlicet spissæ, ut ductus biliares subire queant, sufficienter exsolventur. Ab exsolutis globulis lienaribus, seroque sat copioso ipsis interfluo exsolvetur & quoque sanguis epiploicus, fluxiliorque fiet liquor adiposus ipsi commistus, quò tubulorum secretoriorum ostiola ingredi queat. Quamobrem, præter partes globosas rubras, ac fibrosas in sanguine cujusvis arteriæ ac venæ observabiles, quibus constat quoque sanguis venæ portæ, hæc fluida sunt ipsius indigenæ, lymphæ sanguinis abdominalis spissa, liquor oleosus pinguis epiploicus, serum

lymphaticum lienare attenuatum globulos aliquos rubros, valdè divisos, intimè sibi mistos sinu suo vehens.

Num autem è chylo partes emergent bilis constitutivæ, ut *Lyster* placuit? Respondeo à chylo tantùm materiam bilis suppeditari, ut ipsi visum fuit, sentire prohibemur. Quòd chylo absente nihilominùs discernatur bilis, ut in serpentibus videre est à longo tempore jejunis, quibus sectis vesica fellis solito non minùs turgida observatur, ut in canibus à pluribus diebus non pastis conceptacula tamen biliaria bile solito non minùs referta exhibentibus. Et nonnè chylo in sanguinem penitus converso, reliquæ tamen fiunt è sanguine solo secretiones, quorsùm & quoque bilis è sanguine mero secretio non fieret? Quid particulas sanguinis nonnullas in tubulorum biliarium ostiola aperta, ab-

ſente chylo , ab ingreſſu prohiberet. Sed ut ab adventu chyli fluida ſanguinea reparantur , eaque uberius in ſecretorios ductus influunt, ita pariter ab eo bilis materiam abundantius biliariis ductibus ſuppeditari non inficior , dum adhuc chylus lymphaticus in ſanguine fluitat formâ propriâ potiens.

Sic in Avibus imprimis ac Piſcibus chylum identidem bilis materiam præcipuam ſubminiſtrare , ex eo perſpicuum fit , quòd venarum lactearum defectu , in iis chylus univerſus per venas mezaraicas in portam cum ſanguine immediate convehatur ; qui quidem chylus ita tranſmeat ex inteſtinorum ductu, vel per breves tubulos chyloſos , vel per poros è tunicis inteſtinorum in venas mezaraicas eadem ſtructurâ præditos & conſimili modo hiantes , ac ductus thoracicus in ſubclaviâ hiat , ut chylus in ſanguinem

guinem recipiatur. Chylosæ igitur
particulæ in iis animantibus sangui-
ni portæ affusæ , non possunt &
quidem notabili copiâ biliosos he-
patis ductus immutatâ vixdum for-
mâ non peruadere , bilem itâ quoâd
portionem insignem producturæ. Et
reverâ ex chylo in Avibus sanguini
portæ immediatè suppeditato he-
patis potissimum canaliculos am-
pliari , perspicuè demonstrant An-
seres fartiles, quorum jecora in mo-
lem insignem adeò crescunt , præ-
primis si juxtâ methodum Græcis
olim & Romanis assuetam, ficibus
& lacte plurimum saginentur, itâ ut
referente *Nonnio de re cibar. lib. 2.*
anseris fartiles fuerint, quorum he-
par duas libras quandòque pende-
ret. Quod quidem anserum jecur
saginâ in molem adauctum in sum-
mis deliciis habitum olim fuisse,
variis locis Poëtæ edocent. Porro
chylus in avibus notabilem bilis

K

materiæ quantitatem non modò subministrat , sed & suâ fluxilitate sanguinem abdominalem in portâ ejusque ramis diluit , hinc eâ ratione tantum è sanguine lienari non requiritur in avibus adjumentum ut in homine , & quadrupedibus , hinc in avibus splenes exigui.

Nec solum chyli lymphatici per sanguinis massam dispersi partes nonnullæ præcipuè serosæ magisque dilutæ pingues , dùm per portæ canaliculos sanguini commistæ jecur transmeant , in homine materiæ bilis additamento sunt ; sed & particulæ tenues , quæ chylicationis tempore ex alimentis & succis digestivis emanantes , per meatus insensiles sanguini gastrico ac mezen-terico immediatè commiscentur , in hepaticos portæ ramos unâ cum sanguinis fluento convehendæ. Uno verbo quæcumque fluida , quæ subindè sanguini portæ commisce-

buntur, materiæ bilis augmentum identidem procurabunt, ut e. c. cathartorum partes subtiliores per poros intestinorum sanguini mezen-terico commistæ. Verùm fluida hæc utpotè medicamentosa sanguini portæ accidentaliter affunduntur, nec in bilis secretionem à naturâ destinata sunt.

Ex dictis satis patet, quænam sanguinis portæ sit indoles, quibusque fluidis indigenis tum semper præsentibus, cum per vices adventitiis is refertus sit. Scrutandi nunc ad amussim & ductus, quos sanguis hic venosus permeat, & ii, quos fluida ipsius indigenæ subitura erunt.

Truncus venæ Portæ brevis penetrato jecore, sinu quasi terminatus, in quinque scinditur statim ramos insignes, qui quidem in minores & minores furculos divisi, universam perlustrant Jecoris substantiam. Minimi extremique Portæ

furculi in venosas Cavæ radices, ductusque biliarios non interruptâ continuitate abeunt; ut ostenditur ex *Lemm. 1. & Prop. 2.* Quoniam autem ordine inter se positi sint tubuli hi continui furculus venæ Portæ, radix venosa Cavæ, ductusque biliaris; ex quorum aptâ compositione propria emergat Jecoris substantia, disquirendum.

Existimat *Cl. Bianchi* furculum extremum venæ Portæ in continuum ductum biliarem tramite recto protrahi, emitti autem laterali-ter ab eo venosam Cavæ radicem; adeò ut Portæ furculus cum biliar-rio ductu rectam, cum venosâ Cavæ radice angulum conficiat. Hujusmodi fabricam vasorum hepatis per analogiam tantum ingeniosè deducit. Quòd enim Portæ & Cavæ furculi observabiles per jecoris substantiam dispersi decussare semper sese conspiciantur, indè eam-
dem

dem in ipsis minimis positionem à naturâ servatam auguratur ; quòdque Portæ furculi comites semper ac juxtâ se accumbentes ductus biliaries habeant, ipsos Portæ furculis ex adverso procedentibus rectâ linea continuos esse indidem conjicit.

Quemadmodum verò arteriæ ac venæ sensibus obviarum agnitâ positione respectivâ , indè ipsasmet minimas simili modo dispositas esse concludi nequit ; cùm ipsæ insignes sibimet accumbentes , vix inflexæ decurrant , minimæ autem factæ millenis modis inflexæ sint , ac multoties se interfecent ; ità pariter ex Portæ & Cavæ ramorum sensibilibus in jecore ubique se interfecantium conspectâ tantum positione , similis extremorum Portæ , Cavæ autem originum fabrica statuenda non est.

Quòd verò biliarii ductus portæ

L

furculis socii in hepate ubiquè decurrant, tubulos hosce continuos secundùm rectam eandem productam procedere nè inferas, cùm eos simul sumptos quasi canalem recuruum constituere talis societas indicare potiùs videatur. Quippè quòd biliarium ductum portæ furculo adjacentem, non ab eomet, at ex adverso portæ furculo & quidem directè emanare à cl. *Biancho* excogitatum sit, non demonstratum.

Propria Jecoris substantia fasciculis constat vasorum sanguiferorum ac biliariorum; qui quidem fasciculi ex observatione *Ruifchii* vasorum sunt extremitates non contortæ glomi ad instar, sed penicillorum modo dispositæ. Vasa interim hæc sanguifera ac biliaria circa sui extremum tenacia adeò sunt, sibi que connata, ut observante jam laudato Anatomico nul-

lam admittant curiosam dissolutionem, nisi in eo affectu, in quo molliem contrahunt præternaturalem Jecinora. Quamobrem venæ portæ extremitates in sese multoties inflexas concipe, ipsis autem continuas cavæ radículas in furculos notabiles postmodum abeuntes, portæ pariter extremis furculis continuas vasorum biliariorum origines, at socias ipsis, rituque simili proindè flexas, hinc plures in furculos majores coeuntes; propriamque tibi repræsentabis Jecoris substantiam.

Nùm autem enascentes ab extremis portæ furculis biliarii canaliculi, enascentibus cavæ radicibus magis hiant?

Juxta hypothese[m] suam asserit cl. *Bianchi* ampliora existere biliariorum ductuum ostiola, in quæ & quidem directe hiantia crassius fluidum, materia nempe bilis, deri-

L ij

vetur; dum cruor utpotè tenuior in strictiores secedit venæ cavæ radículas . portæ extremis lateraliter implantatas. Hinc bilis colatorium chyli organo secretorio ità ab illo confertur. Venæ portæ ramusculus per intestini partem antecedentem, per succedentem intestini portionem ductus biliaris , ac per venas lacteas cavæ radices repræsentantur. Ex quâ quidem comparatione non bilis à sanguine , sed sanguinis à bile secretio à laudato auctore indicari potiùs videtur. Bilis verò supra totam cruoris substantiam crassitiem probari non solùm contendit autopsiâ , sed & experimento , quo bilem decimâ sextâ parte voluminis sanguine ponderosiores se comperisse scribit.

Verùm nisi minùs hiarent cava radicibus ductus bilis secretorii , in eos derivarentur partes rubræ sanguinis , jamque non bilis , sed ve

rus sanguis ipsos pervaderet. Si enim globuli rubri sanguinis arctiores transmearent venæ cavæ radículas, quorsùm nequè patentiores pervaderent ductus bilis secretorios?

Repones forsan ex cl. *Biancho*, ob ostiolorum venosorum radicum venæ cavæ principia constituentium, quamvis strictiorum multiplicitem, cruoris meri particulas quatenus tenuiores universas in ipsa naustras iri; dum crassioris substantiæ materia bilis in directum ampliolemque transmeabit semper tubulum biliarium cruoris particulis denudata. Haud parùm dispari ratione, quâ fœces dimisso in plura lactearum oscula chylo, crassas chyloque orbatas ad intestina crassa migrare observamus.

Sed hæc omnia ingeniosè tantum ficta sunt, falloque nituntur principio, quòd materia bilis in ductibus sanguiferis ipso cruore cras-

fior existat. Bilem enim ipsam secretam sanguine crassiorē esse, 1°. Certum non est, cū ea ē biliferis truncis educta sanguine spissior non conspiciatur. Ipsius autem gravitatem specificam sanguinis respectu ex cl. *Biancho* 16a. parte majorem, ex quā major deducitur in ea crassities, quōd spectat, ipsam dubiam statim reddunt auctoritas *Lysteri*, qui p. 364. *Diff. de Humor.* bilem sanguine leviozem affirmat, ac observatio, quā calculos vesicæ felleæ leves adeo, ut aquæ supernatarent, prout notat cl. *Bergerus*, comperii; quare cū ipsi ē portione tartareā ponderosiorēque bilis conflati leves tamen ita observentur, bilem sanguine fluidum gravius constituere in dubium revocare haud illicitum erit. Et quamvis ponderosior sanguine foret bilis, eam illo crassioris esse substantiæ concludi nequaquam

posset, cum ex gravitate specificâ circa spissitudinem aut tenuitatem fluidorum nihil absolutè statui queat. Sic urina pinguedine gravior est, cum pinguedo ipsi supernatet, eam tamen pinguedine quis crassiorē affirmabit? 2°. Bilis folliculi fellei spissior sanguine etsi concederetur, unde ipsius materiam in sanguine alem extitisse, falsò deduceres; quandoquidem in vesicâ felleâ spissitudinem postmodum contrahi fluiditas ejus in ductibus exiguis biliaris evidenter nobis demonstrat. Pinguedo, articulorum liquor, muci, cerumina sanguine spissiores humores sunt, hi tamen è sanguine emanarunt arterioso, & quidem admodum attenuato, ipsimet in principiis secretionis fluxiles valdè & attenuati.

Notum ex physiologicis in arteriis extremis, ubi secretionis opus celebratur, sanguinem atte-

nuatum magis esse, quàm in arteriis magnis. Cùm autem universæ fluidæ partes sanguinis constitutivæ vi motûs vitalis absque defectu ullo in ipsius mole confusæ sint, & partes cruoris in venulas tranfluxuri, cæterasque in secretorios ductus mox derivandas in extremis arteriis multum attenuatas esse significatur. Porro sanguis ille, qui post secretionem in venas tractus fuit, crassior minùsque dilutus, quàm qui in arteriis eam passus est, observatur; orboatur ergo partibus fluxilioribus secretionis opere sanguis. Cùmque peculiari quasi jure è sanguine venæ portæ bilis fiat secretio, idem quoque in hac secretionem ac in cæteris secretionibus opus peragi, id est in portæ ramusculis cruoris particulas indiscriminatim multò magis, quàm in portæ trunco, attenuatas esse, tunc sanguinem partibus fluxilioribus per secessum

secessum Bilis in Jecore exui, proindèque materiam bilis in secretionis puncto fluxilem admodum emanare, inferre æquum est. Quapropter ut venularum principiis in reliquis corporis partibus minushiant ductus secretorii, tametsi per eos deriventur nonnunquam liquores bile perfectâ spissiores postmodum evasuri, ità pariter in Jecore cavæ radiculis ductuum biliariorum ostiola ampla minùs esse asserimus.

Obiter animadverto, bilem ab hepaticâ secretionem, cum justo crassior est, deflectere, eamque per alia colatoria transcolari à cl. *Biancho* scriptum. Sed spissior bilis hepatico valedicens colatorio, ut ipsius auctoris celeberrimi verbis utar, ad alia colatoria deueni nequit, quin ipsa cum sanguine venæ portæ in cavæ radículas transfluxerit, postquàm secretorios ductus subire

M

minùs potuit; magis libera ergò ac patentior in cavæ radículas quàm in ductus biliarios via.

Posteaquàm sanguinis venæ portæ indolem, Jecorisque biliarii collatorii structuram deteximus, jam quo mechanismo bilis in eo fiat transcolatio eruere arduum non erit.

Quemadmodùm in cæteris corporis partibus, dùm imminet secretio ab extremis arteriolis, ad attenuandum sanguinem varia sibi natura comparavit instrumenta, ità pariter in hepate non desunt machinæ, quibus exolvatur venæ portæ cruor. Machinæ hæ sunt venæ portæ surculi in minores ac minores diffusi, iidem copiosissimi, iidem pluries in sese flexi, eâ dispositione & fabricâ arteriolas æmulantes in minores ac minores divisas, operâ proindè eandem ac arteriolæ exsolutionem scilicet sanguinis & quidem eodem pacto navantes. Machi-

chinæ hæc ulterius sunt robustæ *Glissonii* Capsulæ diramationes, quibus prædictæ machinæ cœu vaginis amictæ sunt. Vaginæ namque tales membraneo - musculosæ furculos venæ portæ ubique non modo fulciunt, roborantque, sed & sanguine in portæ ramos impulso dilatatæ, fibrarum contractilium resulu stringunt ipsos, viriumque sanguinem in ipsis exolventium momentum adaugent.

Nonnulli arteriæ hepatis ramos dum pulsant sanguinis venæ portæ excitatores perhibent, quod ii portæ ramis ubique accumbant. Huic autem sententiæ assentiri non possumus. Quod iisdem temporis intervallis impulso à corde sanguine dilatentur simul & arteriæ & venæ, utrotè vasa plena & continua, ideoque portæ ramulus ab arterioso ramulo dilatato haud comprimatur. Quod referente *Bohnio* ligatâ arteriâ hepatis, bilis proventus uber æquè observetur.

Conspirant ergò tantùm venæ portæ ramuli, *Glissonique* Capsula, ut sanguis ad radices cavæ ductusque biliarios tendens ulteriùs exolvatur. Sed ad patrândam exolutionem sufficientem, ut venæ portæ sanguis in cavæ radices migrare, portio autem ipsius in ductus biliarios derivari potuisset, propter nimiam sanguinis hujus tenacitatem ac resistantiam impares fuissent memoratæ machinulæ, nî in ipsâ portæ sanguineâ massâ, copiâ aliquâ præsens admixtusque jam extitisset cruor solutus plurimùm, nimirum lienaris. Id demonstrant Lienis absentia ac vitia, ex quibus bilis imminuta secretio, bilis spissa, hepatis substantia marcida, resoluta, aut tumens obstructaque observantur. Itaque dùm à portæ surculis *Glissonique* capsulâ procuratur sanguinis portæ molecularum divisio, insimul sanguinis lienaris soluti cum crasso

crasso abdominali ac epiploico miscela intimior producitur. Ex quibus consequitur dividi non modò ac solui partium globulosarum fibrosarumque aggeries, quò particulae cruoris rubrae nec-non fibrosae in cavæ radices transfluere valeant, sed & exsolui lympham spissam sanguinis abdominalis, liquoremque oleosum pinguem epiploicum, fluidaque hæc fero lienari & globulis ipsius admodum agilibus ita dilui, ut tubulos secretorios strictiores venulis subire apta fiant. Ecce jam sanguinem venæ portæ in minimis furculis elaboratum, & ad secretionem paratum. En ipsum è venoso, quasi factum arteriosum.

Dum sanguis vi cordis in portæ virculum urgetur (*Vid. lemm. 2. & 3.*) ad transeundum per cavæ adiculam aut ductum biliarium indifferens est; quoniam verò ductus secretorii ostium arctius est, quàm

N

ut globuli rubri fibræque sanguinis ipsum subingredi queant, præterfluunt, nec nisi in sufficienter patentem cavæ radiculam sero fluentes dilabuntur, quo tempore fluidorum indigenarum hujus sanguinis mixturæ portio, utpotè dilutior satisque tenuis, prout in transitu offertur, in ductum secretorium abit, sanguinisque societate orbatur. Migrabunt igitur in cavæ radices è sanguinis venæ portæ massâ particulæ globulosæ rubræ, nec non fibrosæ sero aliquo tum & portione fluidorum portæ sanguinis indigenarum solutæ, indequè fluxiles factæ. Neque enim materia bilis è compedibus particularum cruoris ità segregata est, ut solutâ totali mixtione meri tantummodò cruoris particulæ in cavæ radices deriventur, ex aliâ verò parte in ductus secretorios materia bilis sincera secedat; contrarium quippè no

bis innuit valorum motus vitalis, quo quidem universæ fluidorum contentorum particulæ agitantur ità assiduò & commiscentur, ut determinatâ indole præditarum veluti chymica præcipitatio, ac separatio totalis è reliquarum connubio impossibilis indè sit. Porrò fluidæ partes, quas è venæ portæ surculis in cavæ radices migrare diximus, hæ sunt, quæ sanguini tribuunt formam, quæque essentielles ipsi hâc ratione dici possunt, quapropter in cavæ tubulos venefos transfluit verus sanguis. At in ductus secretorios biliares derivatæ erunt moleculæ lymphæ crassæ abdominalis, oleosique liquoris pinguis epiploici, exsolutæ simul ac dilutæ sero globulis nonnullis sanguinis splenici magnopere attritis foeto, adeò ut liquor è commixtis unâ fluidis istis ortus portio extiterit sanguinis portæ, nec tamen

N ij

ab eo sequestratus sanguinis nomine appellandus sit, quod partibus formam sanguini conciliantibus careat jam, purpurâque sit exutus. Globulos autem aliquos è sanguinis lienaris penu depromptos fluidis bilem constituturis commixtos, unâque secretos eis sanguinis formam daturus ne existimes. Qui enim secernuntur globuli, pauci, & quidem ita attenuati sunt, ut ipsimet ex pluribus non compositi rubro colore deposito flavedinem præ se ferant; id edocent microscopia Leuvennoeckiana. Quod verò liquor pinguis epiploicus lymphæque crassa abdominalis inter fluida corporis humani tenuia annumerari nequeant, ductus tamen bilarios ingrediantur, exindè ipsorum ostiola ampla satis existere, eaque globulos aliquos cruoris lienis vi attenuatos, purpurâ exutos, seroque intimè solutos admittere inferimus.

Jecur mole magnâ præditum est, Portæ truncus insignis existit, copiosam tamen in ductus secretorios derivandam fluidi quantitatem ne expectes. Quòd portæ sanguinis maxima pars, per secretionem in abdomine transactam, fluidis in ductus secretorios derivatu habilibus depauperata fuerit; hinc eorum copiam proportionem habitâ ad sui molem in ductus biliarios dimittere nequeat venæ portæ sanguis. Quòd sanguinis portæ motus tardigradus fluida secernenda hepatis colatorio lentè tantùm offerat. Quòd ferulienaris universæ sanguinis portæ moli commixti maxima pars ad cruoris partes diluendas inque radices Cavæ vehendas impendatur, ac eo proindè defraudentur biliarii ductus. Intereà monendi sumus, præter bilis secretionem in Jecore aliam quoque celebrari; quapropter cum arteriæ hepaticæ rami

lymphæque ductus ad visceris hujus molem augendam partes suas conferant, bilis solius quantitatis ad Jecoris molem integram comparatio instituenda non est.

Meritò igitur *Borelli* calculum explodit *Cl. Bianchi*, ex quo acerrimus ille Mathematicus bilem intra 24. horas ad 34. libras secerni statuit. Et reverâ postulatis adeò evidenter falsis superstructus est calculus hic, ut per se ipsum concidat.

Nequè tamen ipsius *Bianchi* calculo assentimur, quo bilis vix uncias duas ac semissem intra nyctemærium in homine separari admittit, eo nixus fundamento *felleas particulas in massâ sanguinis actu contentas, juxta Glissonium, ad ipsam se habere circiter ut 1. ad 100.* Cum enim fluida singulis temporis punctis in venâ portâ ad bilis reparationem generentur, posteaque partim secernantur, admittâ per hyp-

pothessim bilis particularum existentium ad sanguinem ipsum jam traditâ ratione , nihil tamen indè certi circa fluidorum destinatarum reparationi bilis , intra 24. horas generandorum ac secernendorum quantitatem statui potest.

Jam verò bilem copiosius ac admittit Illustrissimus Professor Taurinensis è sanguinis penu secedere evincitur experimento *Reverborstii*, quo , insertâ canis viventis ductui Choledoco phialâ , effundi singulis horis in phialam duas bilis drachmas observatum est. Et licet in hoc experimento ductus biliarios stimulari , cursumque sanguinis asueto concitatiores in Jecore promoveri , ut indè ac in statu naturali uberius effluat bilis , concedamus ; si tamen corpus caninum ab humano pondere pluries superari adverterimus , in homine longè majorem , quam statuit cl. *Bianchi*,

bilis secerni copiam deducemus. Quapropter esto *Reverhorstii* experimento bilis proventum ac in statu naturali duplo celerius excitari, canini verò corporis pondus corporis humani ponderis quartam esse partem; sintque quantitates bilis, quæ in homine & cane secernuntur, in ratione ponderis corporum eorum. Instituito calculo patet bilis uncias duodecim seu libram unam medicam intra 24. horas in homine naturaliter secerni.

Cùm lymphæ crassæ sanguinis abdominalis, oleosique pinguis liquoris epiploici moleculæ sero lienari globulis summè attenuatis foeto solutæ in ductus secretorios derivatæ sunt, hæ quidem particularum sanguinis societate orbatæ, quasi in propriâ bilis officinâ elaborantur. Bilem siquidem formam suam in propriis ductibus adipisci mutationes ostendunt, quæ in progressu

gressu per eos ipsi successivè coniungunt. Sic bilis in exiguis biliaris tubulis contenta fluxilis valdè est, flava adhuc haud observatur, nec amara; hinc per majores & majores ramos progrediens spissitudinem, flavedinem amaroremque paulatim induit, quousquè in poro biliario & imprimis in folliculo felleo facta sat spissa, crocea, valdèque amara propriam sibi formam nacta penitus fuerit.

In Portæ trunco exquisquæ ejus præcipuè ramulis fluidorum sanguinis hujusce venæ indigenarum motu vitali suscitata incepit mixtio. Eo, ut dictum superius, non tantum ipsorum particulæ fuere attenuatæ sed etiam ope feri sanguinis lienaris dilutæ, ulteriùsque sibi commixtæ exitere. Hæc tamen earum miscela in sanguiferis vasis non nisi imperfectè admodum facta est, ut hinc bilis for-

O

nam ullam ortam adhuc fuisse dici non possit, cum nequidem in principiis ductuum biliariorum potiatur ipsâ liquor secretus. Cruoris particulæ globosæ rubræ ac fibrosæ motu vitali agitæ, sanguinis portæ fluidorum indigenarum moleculas interturbant ipsarumque commixtioni intimæ obstant; nec satis insuper in ductibus sanguiferis morantur fluida portæ sanguinis indigenæ, quò in ipsis miscela eorum notabilis excitari possit. Hæc igitur sat attenuata ad ingrediendum, sed parùm commixta in ductus secretorios bilis derivata sunt. Quamobrem vasorum sanguiferorum declinatâ oscillatione vitali, partium cruoris confusione obnoxia amplius non sunt; nec ipsis interturbata sibimet tantùm occurrere valent, penitioremque nancisci simul miscelam & societatem. Siquidem dum vasorum secretiorum systalticâ vi

propelluntur, eâ non modò pulsione particulæ ipsorum subvolvuntur, solvuntur penitiùs & commiscantur, sed & per quam plures flexuras, quibus prædita sunt vasorum biliariorum principia penicillorum instar, ut antea dictum est, juxtâ portæ ramusculos extremos disposita trudi non possunt, quin in ipsas allidendo à trusionis susceptâ directione sæpè deviare cogantur ipsorum molculæ; hinc solvantur, abrum pantur crassiores, intimiùsque tenuioribus commisceantur, ut inde è pluribus fluidis unicus ac sensibilibiter homogeneous emergere incipiat liquor. Quemodum verò *Glissonii* capsula viribus sanguinis molculas in portæ furculis solventibus ac commiscantibus adminiculo est, ea pariter tùm firmando ductus biliares, cùm identidem sese constringendo, materiæ bilis in eis contentæ elabo-

rationem promovet. Sic ergò per ductus proprios ulteriùs ac ulteriùs progrediens materia bilis elaboratur, intimioremque semper magisque homogeneam in eis suscipit particularum suarum commixtionem. Sed quoniam vires vasorum fluida contenta ad progressum impellentes in eâ ratione vigent, quâ subsistit eorum respectu vis debilitata cordis fluidum in eâ trudentis, ut *in Diff. de Hom. Lien. san.* demonstratum est, vis autem impulsiva cordis seu momentum trusionis à corde impressæ biliarii tubuli respectu valdè langueat, sequitur debilem quoque futuram vim liquori contento à vasis biliariis impressam; quapropter è duplici illo capite biliosus liquor per vasa propria non nisi lentè progredietur. E tardo autem illo progressu fit, ut materiei bilis particulæ vicibus frequentioribus systalticâ vasorum vi
in


in ipsorum axim propellantur, & universæ leniter quasi in sese compressæ perfectiùs hinc commisceantur. Sed dùm ità lentè per vasa sua fluit biliosa materies, particulæ ipsius ferosæ tenuiores paulatim dissipantur, ac denique remanent in ductibus biliariis insignibus spissiores, quæ quidem sunt oleosæ pingues, globulosæ luteæ, salinæ crassiores, ferosæque salinæ, ac perfectè sibimet commixtæ & adunatæ. Quæ insuper in notabilibus biliariis truncis, propter majorem in his molis fluidi contenti ad superficiem vasis continentis, quàm in tubulis biliariis exiguißimis, ut ex Geometricis evidens fit, rationem, tum & ob ductuum biliorum insignium rectitudinem, tunicarum ipsorum actioni minùs expositæ ulteriùs spissescunt; ut omnibus istis de causis è sanguinis venæ portæ fluidis variis indigenis

P

à sanguine secretis liquor tandem emergat in biliariis truncis unicus , homogeneous , mediocriter spissus , saponiformis , flauus , amarus, à sanguine humoribusque reliquis discrepans, formâ sibi peculiari potiens, qui quidem *Bilis* nomine fuit insignitus.

Itaque, consideratis tantum sanguinis venæ portæ indole, hepatisque substantiæ fabricâ , absque suppositis peculiaribus in particulis secernendis figuris , accommodatisque in ostiolis secretoriis conformationibus ; absque fictis ullis cum *Sylvio* ac *Listero* fermentis sive fixis sive mobilibus ; nullâ admissâ in humoribus *Keilianâ* amabili societate , *Newtonianâ*ve attractione ; nec excogitatis formis humorum in sanguine ipso acquisitis, humoribusque analogis *Glissonii* & *Cokburne* à generationis primordiis secretorios ductus imbuentibus; naturâ quasi indicante viam bilis secretio in Jecore explicata.

FINIS.





E R R A T A.

P *Ag. 30. lin. 20. scepticâ leg. septicâ. Pag. 31. lin. 4. lin. 9. lin. 16. & pag. 32. lin. 11. scept. leg. sept. Pag. 38. lin. 13. hocce, leg. hocce. Pag. 46. lin. 20. humorem, leg. humorum. Pag. 55. lin. 2. rubros, dele. Pag. 55. lin. 17. non, leg. vix. Pag. 56. lin. 15. & 21. mezar. leg. mezeraiicas. Pag. 81. lin. 13. exiguisquæ, leg. exiguisque.*



D. BERNARDO
DE JUSSIEU,

*Primam Appollinarem Lauream
ambienti.*


INtima naturæ tandem penetra-
lia pandis ,
Amplius humorum ductûs non
causa latebit ,
Nunc manet & semper cunctis de-
recta manebit.
Discendi studio terram pelagum-
que peragras ,
Humanum corpus plantasque intel-
ligis arte ,
Quid mirum ? chari sequeris vesti-
gia fratris.

*Hæc in perpetuum amicitia mo-
numentum obtulit JOANNES
FRANCISCUS DONNET Molinen-
sis apud Boios , Lib. Art. Mag. &
Universi. Medic. Monsp. Baccal.*

E I D E M.

H Epatis officium, scrutaris, docte
 DE JUSSEUR,
 Secernatur item quo pacto bilis in ipso,
 Quidquid habet tellus, mare, ditius,
 intus & extra,
 Id tu perfectâ jam cognitione potiris,
 Attamen indignus quamvis sim dicere
 laudes,
 At magis indignus, clari hinc præconia
 fratris
 Promere, quem stabilis laudat sat fama
 per orbem,
 Sit mihi fas hodie lauro tibi cingere
 frontem,
 Et mea cum cunctis pariter conjungere
 vota,
 Ut tibi Nestoreos annos concedat
 Olympus.

*Hac in sincerum amicitia testimo-
 nium vovit JOSEPHUS NICOLAS,
 Dinienſis apud Gallo-Provinciales,
 Art. Lib. Magiſt. & Medic. ſtud.*



E I D E M.

Sic tandem virtus magnâ cum
laude triumphat ,
Consequiturque suis meritis dig-
nissima dona.

Hoc nobis pariter testaris , amice

DE JUSSIEU ,

Dùm distinctè Bilis Genesim doc-
tissimè monstras ,

Quæ , quot , quanta suis det præ-
mia virtus amicis.

Principiis jam vult Laurinam fer-
re Coronam ,

Heu ! Quænam dabit illa tibi dùm
pergis ad ultrâ.

Gratulor hinc meritò de cœptis ,
docte DE JUSSIEU ,


Det summus magnusque Deus quo
cuncta secunda

Faustaue succedant , & sint tibi

commoda multa ,
 Quo semper vigeas , felix per tem-
 pora vivas.

*Sic offerebat in aeternum ami-
 citia monumentum*

THEOPHILUS WIPERTUS
 LYSTHENIUS Magdeburgens.
Medicinae studiosus.



E I D E M.

A Rcana ingenii splendet ri-
 mantis acumen ,
 Firmantis splendor major momen-
 ta futurus.

Sic de amico augurabatur
 LUDOVICUS FRANCISCUS
 PAICHHEREAU DU SAULAY
 Nivernensis , Artium Liberal.
 Magister , & iamdudum Me-
 dicinae studiosus.



E I D E M.

M Acte novâ virtute premens
 vestigia fratris ,
 Et meritis magnis oblatas accipe
 lauros
 More triumphanti , sic tandem fa-
 ma , decusque
 Vestrae Stirpis erunt vastum disper-
 sa per orbem ,
 Præmia grata feras insignis signa
 laboris ,
 Longa salus vitæ tantûm sic adsit
 ut opto.



*Cecinit in aeternum amicitia
 monumentum JOSEPHUS
 CATALAN , Monspeliensis,
 Artium Liberalium Magister,
 & jamdud. Medicina studios.*



